



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

8. Dies Januarii. Nostrum est velle, sed voluntas ipsa & admonetur ut surgat, & sanatur ut valeat, & dilatatur ut capiat, & impletur ut habeat.  
Aug. de Viduit.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

reum odii omnium, & quod sequitur, supplicii sempiterni. Non possum nec ego dicendo efferre, nec tu cogitando comprehendere, quid sit inferi in genus divinum, venire in partem divinitatis, undique infinitæ, unumq; cum eo conflare, & fieri quodammodo Deum. Hoc assequi cum sit suprâ vires naturæ, solus capit auctor naturæ. Sine hoc auxilio, (a) *Ipsa si cupiat salus, servare proفسus non potest* tuam animam. Ut ergò bonum possis, hoc bonum posce, ab eo sapiùs si poposceris dabit tibi. Promptior est enim Gratiam tibi dare, quàm tu, vel alius quispiam accipere. Urget enim ut accipere velis, & irascitur si nolis. Magni ergò fac illud donum, quod te facit magnum, & ex humili erigit in altum: datur enim ab eo qui ipse est donum Dei altissimi: nec est quod hic ultra poscas, nam si Poëtæ est fides.

*Dum insuit hoc donum, confluit omne bonum.*

## 8. DIES JANVARIi.

Nostrum est velle, sed voluntas ipsa & admonetur ut surgat, & sanatur ut valeat, & dilatatur ut capiat, & impletur ut habeat. *Aug. de Viduit.*

Non suf- I.  
ficit posse,  
opus est &  
velle.

**N**ihil potest, ut quid agas Possesse, nisi sequatur & Velle. Ut quis bonum quod potest velit, est partim naturæ humanæ, partim gratiæ divinæ. Potes ergò bonum Velle; sed nec hoc posses, nisi ut monet tessera, gratia voluntatē & admoneret ut surgat, & sanaret ut valeat.

(a) *Terent. Adulph.*

leat. Ergò Velle bonum, habes à gratia illius, qui est summum bonum. Velle est quidam animæ motus: ab alio movetur testante Philosopho; (a) *Omne quod movetur, ab alio movetur*. Hinc intendit cōvincere dari primū aliquod principiū, quod movet omnia, & à nullo movetur. Vin' exemplo id probari? Securus movetur à fabro, beneficio manus, & hæc virtute brachii, brachium porrò ut se moveat, habet à corde, & nervis. In cor autem jugiter influit anima nescia feriari. Quod autem anima motū imperiat cordi, arteriis, & musculis, habet à Deo, qui stabilis, immotusque manens, dat cuncta moveri.

II. Cùm igitur animæ motiones ad naturæ referantur motus, etiamsi sint suprà gradū naturæ, non potest anima se movere, ad usus divinos, & actus cælestes, nisi moveatur ab Auctore naturæ. Enimverò omnis animi nifus, eum dirigens ad gratiam, & gloriam, motio est: igitur ut se possit movere, habet ab alio, (fatente id Philosopho) non à se, nec alio extrà se, igitur ab illo; qui cùm omnia movet, à nullo movetur. Hic solus qui est principiū omnis motus, animum ut agere possit, movet, ut agere velit, permovet. Ut animus se moveat, non habet à primò mobili, sed à primò movente, in quo uno (b) *Vivimus, movemur, & sumus*. Qui autem immotus movet omnia, ut & te moveat, non tantum est cupidus, sed obvi'. Unde cùm opitulante gratia possis quodlibet bonū velle, si quàm facile quid possis, tam seriò velis, quidquid volueris, eris. Eris igitur si impēsè cupis, non tantū inter omnes, primus, sed inter omnia, summus. Agnosce hic tuā in volendo potestaté.

B 2

Pores

(a) *Arist. 1. 7. Phys. initio.* (b) *Act. 17. 28.*

Potes gratiæ beneficio quidvis velle, velle porro est se movere: potes igitur, qui humi stratus contemptibiliter repis, per minima, movendo te erigere ad maxima. Potes te movere à terra ad cælum, à tempore ad æternitatem, ab humanis ad divina, à vitiis ad virtutes, à via lata ad viam arctam, à quovis malo ad quodvis bonum.

III. Inde jam conficio; Christianæ perfectionis cælum in duobus polis immobiliter movetur; videlicet Nolle & Velle. Nolle quod Deus non vult, velle quod vult: nolle quod lex prohibet, velle quod jubet. Scribatur in polo Arctico, Velle, in polo Antartico, Nolle, ut in his duobus polis tota lex pendeat & Prophetæ. Cum enim voluntas & Velle possit, & Nolle, dum vult, quod scriptum est in lege, & non vult quod vetitum est, jam habet quod scriptum est in capite libri, quod est caput omnis boni. Quid illud? (a) *In capite libri scriptum est de me, ut facerem voluntatem tuam; Deus meus voluit.* In omnibus facere Dei voluntatem, est pervenisse ad ultimam lineam felicitatis. Dei voluntas est omnium voluntatum Regula: quapropter est norma recti, & forma obliqui; quæ & deflexa corrigat, & recta dirigat: quæ demonstret fugienda mala, & sequenda bona. Omnia mala ex hoc fonte scaturiunt, quia voluntas humana opponitur voluntati Divinæ. Quid agendum, ut vitia declines, virtutes secteris. Corrigatur voluntas distorta cum recta legis regula, & habes quod ad bonum tuum cupit, omnia. Sit pro clausula D. Augustini sententia: *Ecce tu volebas tibi aliquid accidere: sed Deus aliud voluit: Dna voluntates sunt; sed voluntas tua corrigatur ad voluntatem Dei,*

(a) *Psa. 39. 8.*

Januar.

Tessera.

21

non voluntas Deitorqueatur ad tuam. Prava est enim tua, regula est ista. Sicut regula, & quod prævum est corrigatur ad regulam.

*Frustrà conatur, cui non Deus auxiliatur.*

## 9. DIES JANUARIIL.

Gratiâ agitur, non solùm ut facienda noverimus, sed ut cognita faciamus.

*August. de grat. Christ. c. 12.*

Post velle l.  
& posse;  
tequitur  
facere.

**H**ic demùm est Christianæ perfectionis apex, humanæ felicitatis vertex, bonum quodvis quod potes, Velle, quod velis Facere. Et hoc fateri debes, te gratiæ debere ut monet tessera. Audi, & quidvis aude: (a) *Deus qui operatur in vobis, & velle, & perficere. Qui operatur in te velle, est Bonitas; qui perficere, est Potentia. Quid dubitas perficere, ubi ut velis, Bonitas excitat; ut facias, Potentia adjuvat? Hinc jam duo emergunt, quæ toto Marte sibi repugnant. Alterum est Christi, alterum est Pauli. Sic Christus: (b) Sine me nihil potestis facere. Sic Paulus: (c) Omnia possum in eo, qui me confortat. Ecce hic gemina abyssus: Nihil, Omnia. Nihil, quid minus? Omnia, quid majus? Nihil, quid inanius? Omnia, quid pleniùs? Nihil, quid profundius? Omnia, quid excelsius? Ecce gratiæ necessitatem, sine qua potes penitùs nihil: ecce gratiæ potestatem, cum qua potes divinitùs omnia. Ex hac utraque abyssu, emergunt duæ virtutes; quæ sunt perfectionis cardines; summa hinc Humi-*

B 2

litas,

(a) *Philip. 2. 13.* (b) *Ioan. 15.* (c) *Philip. 4. 13.*